



御選明詩卷第四十一目錄

七言古詩六

薛瑄七首

于謙三首

瞿佑一首

偶桓一首

李孝謙二首

劉績一首

鄭嘉一首

謝矩一首

張璨二首

御選明詩卷四十一目錄

陳紹先二首

岑琬一首

張甯二首

杜瓊二首

秦旭一首

羅紘一首

高得暘一首

蕭鑑一首

徐有貞一首

倪謙二首

商輅七首



卞榮四首

陳憲章六首

周鼎一首

郭登一首

柯潛二首

童軒三首

王越二首

張寧一首

劉溥十首

湯胤勳五首

蔣主孝一首

御選明詩

卷四二目錄

王淮一首

王貞慶二首

鄒亮三首

徐庸一首

孫寧一首

御選明詩卷第四十一

七言古詩六

薛瑄

題墨牛

青松落陰石苔上雨餘百草芊綿長老叟牧牛牛性馴
牛背讀書興蕭爽書中之味深且長高睨盤古窺皇唐
日暮驅牛下山去風清月白天茫茫
綠楊芳草被平坡老人騎牛行且歌歌長扣角角欲碎
悠悠古意何其多布褐涼風生兩肘幾度歸來明月後
夜深遺響入清雲應有知音與攜手

鶴山小隱

御選明詩

卷四十一 薛瑄

大江之石多奇峰天台遠與羅浮通鶴山蒼蒼在何許
嘉名獨擅東南雄中有隱士好事者作圖遠寄烏臺下
烏臺柱史隱士交持卷索我揮狂毫開圖指點山佳處
峭壁迴巒簇煙樹澗花流出山中春松風埽遍溪頭路
數椽茅屋何蕭然白雲簷宇常周旋讀易已了嘉趣趣
作詩或賦招隱篇此境初從柱史說令人撫卷想奇絕
振衣千仞或可期萬里雲霄足超越

山水圖爲趙給事賦

黃門給事好事者一幅江山誰爲寫雲霧波濤滿眼生
坐覺襟懷自瀟灑衡廬寄疊岷峨高洞庭彭蠡洲渚交
又疑雪消蜀水來黃牛白馬增春濤細看清濁分天地



地脉山形宛相際良工妙奪造化工白浪青林走雲氣
緣江細路古木齊耳畔似聞幽鳥啼倚岸扁舟久將濟
入雲茅屋誰同栖江草山花不知數採芳未是良辰暮
英靈不聞澗谷歌仁智自諳山水趣憶我昔遊天下時
跋涉險阻探清奇何如此圖不出戶勝槩一覽無所遺

題羅侍御仙舟出峽圖

御史新圖妙難比畫船秋泛瞿塘水瞿塘水東三峽深
兩岸削鐵虛無裏虛無難辨峰頂高白雲林壑生虛濤
陽臺何處笑荒幻陣圖回首思雄豪雄豪一去幾千載
壯志何須增感慨自知薦角邪可觸不爲猿聲淚空洒
東行更飽湖海觀繡衣不日朝金鑿覽君此畫動清興
御選明詩

卷四二 薛瑄

二

扁舟便欲相追攀

過鹿門山

西來漢水浸山根舟人云此是鹿門峭壁蒼蒼石色古
曲逕杳杳藤蘿昏亂峰幽谷不知數底是龐公栖隱處
含情一笑江風清雙櫂急搖下灘去

苦雨

涼風颯颯雨聲急出門跬步苦沾濕山城拂地雲霧深
河渚交流潢潦溢田野婦坐歎息園中有棗不可食
况復離離禾黍垂及時不得收地力一年百事望秋成
秋成奈此淫雨積誰哉爲我誅雲師宛見青天行白日

于謙

題畫

江村昨夜西風起木葉蕭蕭墮江水水邊蘋蓼正開花
妝點秋容畫圖裏小舟一葉弄滄浪釣得鱸魚酒正香
醉後狂歌驚宿鴈蘆花兩岸月蒼蒼

憫農

無雨農怨咨有雨農辛苦農夫出門荷犁鉏村婦看家
事縫補可憐小女年十餘赤腳蓬頭衣藍縷提筐朝出
暮始歸青菜挑來半沾土茅簷風急火難吹旋爇山柴
帶根煮夜歸夫婦聊充飢食罷相看泪如雨泪如雨將
奈何有口難論辛苦多嗟爾縣官當撫摩

池邊散步

御選明詩

卷四

于謙

瞿佑

三

臨流樹影半敲斜晴波滉漾走金蛇簷前燕子掠飛蝶
池面魚兒吹柳花遊絲牽風白日靜落紅滿地青春賒
數聲啼鳥助幽興門巷彷彿山人家

瞿佑

安樂坊倪氏女少日曾識之一別十年矣歲晚
與其母子邂逅吳山下則已委身為小吏妻因
邀至所居置酒敘話愴然感舊為賦此

吳山山下安樂里陋巷窮居有西子嫣然一笑坐生春
信是天人謫居此相逢昔在十年前雙鬟未合臉如蓮
學畫蛾眉揮彩筆偷傳鴈字卜金錢相逢今在十年後
鬢髮如雲眼波溜風吹繡帶露羅鞵酒泛銀盃淹翠袖

自言文史舊曾知寫景題情事宜但傳秦女吹簫譜
不詠湘靈鼓瑟辭暮雨朝雲容易度野鴨家雞競相妒
當時自詫苑中花今日翻成道傍樹日聞此語重悲傷
對景徘徊欲斷腸渭城楊柳歌三疊溢水琵琶泣數行
相送出門留後約暮天慘慘東風惡醉歸感舊賦新篇
重與佳人嗟命薄

偶桓

題息關墨竹圖

西清閣老李薊丘筆法妙過文湖州試拈雪蘊翻墨瀟
淋漓埽作湘雲浮籜龍迸土翠胎綻秀出亭亭蒼玉幹
十莖五莖何必多老嫩風晴總堪玩堅貞苦節凌歲寒
御選明詩 卷四 瞿佑 偶桓 李孝謙 四
袅娜新稍翔鳳鸞靈颺宛度珮環響璧月或照蛟龍蟠
薊丘薊丘難再得撫卷令人空惜惜品題况有松雪翁
從知價重千金直

李孝謙

題柴昆陵越山春曉圖

君莫著謝公登山屐更莫問子猷泛雪舟請君試看高
堂壁髣髴李白天姥夢中遊於越山川甲天下秦關蜀
道皆土苴柴侯晚年天機精酒酣潑墨爲予寫天姥高
出東南天天台四明相蟬聯影落平湖一鑑淨正對賀
老山莊前近山青青遠山小煙霧溟濛漲春曉雲門日
出寺聞鐘耶溪樹綠應啼鳥鳥啼不可聞林深不見雲

只疑空青四山合，
脩訝飛瀑雙崖奔。
極知妙手奪天造，
眞宰上訴天應笑。
獨脚山魑作鬼精，
偷向靈巖拾奇草。
水竹江花何處灘，
漁郎翠蓑露未乾。
青帘酒家石橋右，
棹舟却憶姚江干。
長松之下一片石，
竹杖芒屨二三客。
脫巾高挂白雲邊，
醉倚青天翠如滴。

送徐允迪還城中

寒梅照虛牖，嚴霜凋弊裘。
故人動歸興，歲晏不可留。
徐卿立身何坦蕩，行年五十猶偃仰。
不思唾手取公卿，却甘低頭在草莽。
市中賣藥能逃名，杖頭挑錢還解醒。
悲來不作窮途哭，時復有詩鳴不平。
忘年之交古來有，臭味相同即爲偶。
來遲去疾奈爾何，無限離情付杯酒。
北

御選明詩

卷四二

李孝謙

劉績

五

劉績

送周明德應詔之京師

閭門柳條未堪折，
只宜相見不相別。
人生蹤跡各東西，
半是車輪與馬蹄。
把酒送君城北路，
曉日鴉啼烏柏樹。
一聲歌罷泪沾巾，
僮僕催人上塘去。
願爲轆轤纏青絲，
轆轤可轉心不移。
男兒出處自有分，
與君那得不相離。
官家有程行莫緩，
後夜相思月還滿。

鄭嘉

題韓左軍馬圖

當時四十萬匹中出羣意氣偏豪雄三駿剪花蹄削玉
拳毛一團如旋風飛騰射獵南山下踏雪歸來汗猶赭
奚官乍卸紫馱鞵解渴汲與華清泉鳳頭青絲掣欲斷
一口擬吸天池乾日奔千里如電走飲秣翻落驚駘後
東家寒驢鈍莫驅熱浴冷水飢欲芻賢愚否泰亦如此
撫膺歎息良馬圖

謝矩

賦望郎回山

望郎回望郎不回心欲摧化作山頭一拳石質堅不朽
心不灰花開花落秋復春煢然獨立誰與鄰夜深惟見
御選明詩 卷一 鄭嘉 謝矩 張璨 六
皎皎月雨晴只有英英雲將心誓比雲與月雲有卷舒
月圓缺百年夫婦終古心豈辨新離與故別此心炯炯
天地知山高水深終相期郎君應有歸來時

張璨

社廟觀巫師降神

靈風吹壇毛髮豎老巫跳踉作神語千輪萬馬空中來
東海神君許行雨急醜椒酒祭神兵黑旗颭日陰雲興
鼓聲夔夔未徹鳴紙錢灰濕天瓢傾須臾雨歇神歸去
神鴉猶噪壇前樹

梅竹圖

皎皚數尺捲煙霧誰剪瓊瑤貼輕素湘靈夜彈五十絃

博羅小鳳來翩翩翡翠旌
旛矗空影珠被生輝夜光炯
澄凝古月冰潭冷紫鳳叫斷眠龍醒

陳紹先

挾彈圖

連錢驄馬雕鞍新銀蹄蹀躞揚風塵
一聲嘶過莎隄畔
兩香雲暖當芳春
烏紗雲錦新承賜
侍宴明光醉歸去
彎弓挾彈望飛禽
落花滿地無尋處

奚官平明出建章
金羈白馬多恩光
翻身忽見草中兔
雕弓滿殼如鷹揚
四蹄蹴踏煙莎短
垂鞭緩把絲韁綰
歸來猶帶上林酣
揮袂香風春日暖

岑琬

御選明詩

卷上

陳紹先

岑琬

張育

七

聞鶯懷戚學正在滄洲

我有故人在滄洲
思之不見心悠悠
木蘭爲楫沙棠舟
南來鼓櫂乘中流
嚶嚶好鳥如相求
載飛載止鳴不休
願以盟言結綢繆
爲予一洗離居愁
何以報之青琳球

張育

朱澤民寒林平遠圖爲徐用理作

凍雲壓空雪欲作
野曠陰凝氣蕭索
朔風一夜捲長林
萬木離披盡搖落
天連平遠眼界寬
前山宛在空濛間
溪頭流水急如瀉
日夕噴瀑聲潺湲
我嘗經行出林際
望斷孤邨日將暮
野鳥啼飢那忍聞
瘦馬經寒縮行步
悄無人跡途賒此
時寧不思還家人
生慎勿事行邁

披圖尚爾添咨嗟

沈如美所畫美人圖為徐文輝作

流蘇綴綵鴛鴦帳寒金鴨不飛香縷殘新霜撲簾白如粉
啞啞烏啼金井闌芙蓉屏開睡初醒守宮淺退臙脂冷
玉釵慵整雙鳳凰春愁壓翠蛾眉長

杜瓊

贈劉草牕三十韻

河圖一畫人文現書畫已在義皇時鳥跡科斗又繼作
象形取義日以孳肖形求賢在商世書畫從茲分兩岐
秦漢畫工可指數筆蹟已遠不可追顧陸張吳後先出
六法盡得誇神奇山水金碧到二李水墨高古歸王維

御選明詩

卷四

張胃

杜瓊

八

荆關一律名孔著忠恕北面稱吾師後苑副使說董子
用墨濃古皴麻皮巨然秀潤得正傳王詵寶繪能珍奇
乃至李唐尤拔萃次平彷彿無崇庫海岳老仙頗奇怪
父子臻妙名同垂馬夏鐵硬自成體不與此派相和比
水精宮中趙承旨有元獨步由天姿雪川錢翁貴纖悉
任意得趣黃大癡淨明菴主過清簡梅花道人殊不羈
大梁陳琳得書法橫寫豎寫皆其宜黃鶴丹林兩不下
家家屏障光陸離諸公盡衍輞川脈餘子紛紛奚足推
予生最晚最愛畫不得指引如調飢幸逢聖世才輩出
且得遍扣容追隨友石先生具仙骨落筆自然超等夷
葵丘爛漫文鼎潤獨醉獨數寒林枝綿州寓意最深遠

數月一幘非爲遲我師衆長復師古揮洒未敢相驅馳
溷繚浣楮且不厭寫就一任傍人嗤劉君識高頗見錄
往往披對心神怡且云滲澹有古意口不即語心求之
我有鶩瓢富題詠欲得長句須君爲十年不與豈有待
以彼易此何嫌疑我詩我畫旣易得請君不吝勞心思

採菱圖

苕溪秋水初落菱花已老菱生角紅裙綠髻誰家人
小艇如梭不停泊三三兩兩共採菱纖纖十指寒如水
不怕指寒并刺損只恐歸家無斗升湖州人家風俗美
男解耕田女絲枲採菱即是採桑人又與家中助生理
落日青山斂暮煙湖波十里鏡中天清歌一曲循歸路
御選明詩 卷四二 杜瓊 秦旭 羅絃 九

不似耶溪唱採蓮

秦旭

苦雨簡立夫

鶉鴝雙雙啼屋角細雨斑斑晴復作碧水蒼苔野外昏
挑燈坐聽簷花落輕寒惻惻透重扉畚把羅衣換袂衣
出門可奈春泥滑孤負西山筍蕨肥

羅絃

題燕文貴秋山蕭寺圖

長江浩蕩秋波碧待渡行人立沙側望中煙樹翠模糊
夾岸層巒幾千尺禪宮梵刹山遠林林間曲徑歸僧尋
也知畫史真善幻一幅生綃傳至今

高得暘

錢舜舉寒林七賢圖

騷壇逸響何寥寥作者逝矣誰能招詵然七子美風度
乃有遺像圖生綃衣冠半帶晉秀氣人物絕是唐中朝
想當朝事得休暇擬采野景歸風謠青騾黃犢踏凍雨
蹇驢瘦馬衝寒颺醉鞭笑停以按轡吟鐙戲拍摧聯鑣
看花多情且少待尋梅有興非無聊此圖我嘗見十數
高林大樹風蕭蕭埽除閑冗存簡素吳興筆老才尤超
方之粉墨巧塗染奚止天地相懸遼尚疑高李六君子
當時未見潘逍遙道同氣合志相感雖曠百世如同僚
畫師晚出有深意況自昔日傳今朝屋梁落月見顏色
御選明詩

卷四一

高得暘

蕭鎡

十

妙處不待窮摹描君不見袁安僵卧寒正驕王維乃作
雪裏之芭蕉

蕭鎡

題九鷺圖

宣德年間邊景昭彩色翎毛稱獨步近時林良用水墨
落筆往往皆天趣鴛鴦鳧雁清溪流寒鴉古木長林幽
等閒得意即揮洒一掃萬里江南秋此圖九鷺真奇絕
散立清煙乍明滅日長坐久看轉親飄來點點青天雪
翱翔霄漢殊不驚欲下未下渾有情潛蹤獨趁水邊食
延頸忽向蘆中鳴吁嗟林生精藝有如此座客見之誰
不喜洞庭湘渚在眼前暝色慘澹涼颺起方今聖主覃

恩波四海山澤無虞羅悠悠羣鷺各自適雖有鷹鷂奈爾何

徐有貞

江叟吹笛圖

八月蒼江蘆覆洲南洲老人迴釣舟壺漿飲空獨醉後
橫笛吹開天地秋弄節調音轉淒激蕭蕭兩鬢寒衝額
山雲漠漠山樹青江水粼粼江月白是時萬籟俱無聲
寥寥玉宇聲縱橫颺風浙瀝隨處發玄鶴咬戛相和鳴
鳧雁飛來如近覩鵝鵲徘徊鷺鷥舞靈妃不入水仙宮
神龍盡出馮夷府一龍吟浪羣龍鬪鼓鬣揚髯擁先後
傳宮換羽自浮沉過徵歸商迭清溜一聲叫破蒼旻裏
御選明詩

卷四十一

徐有貞 倪謙

十一

鴻濛呼回九澗底暘谷金烏忽驚起搖落煙波千萬里

倪謙

童戲圖

曲闌護春小園內芳草芊綿織新翠屏山牡丹開暖風
吹墮輕紅粉香碎誰家兒女蜀錦襠柔髮初剃靛色光
兩兩三三戲晴晝懽呼競出花臺傷鞦韆木架雙旗插
綵繩低垂畫板滑向前推送身轉高架上連環韻鳴軋
脚尖背蹴香塵飛珠汗微沾金縷衣丹青假面恣塗抹
舞腰更把爛斑圍嬌娥並坐遺針線手弄折枝情戀戀
花腔小鼓閒不敲竹馬金鏡拋地遍玉蛻撲蝶意自癡
紫蘭綠葉紛離披君不見聖主仁恩致蕃育四海民物

陶春熙

雪景爲毘陵陳公懋賦

江天雨雪路盡迷層峰壁立瓊瑤梯蒼松凍合玉鬣老
翠篠寒壓銀梢低屋底幽人常閉戶最愛銀華絕纖汙
碧窗半啓捲書幃手把青編映輕素邨南有客隱者倫
一肩壺榼來叩門遙知相對飲五斗紅光滿面春風溫
人間此景良不惡林泉似傍蘭陵郭會須乘興訪元龍
共倚江樓招白鶴

商輅

應制西洋駒

天生駿骨真奇哉貢之遠自西洋來西洋神駒何所致
御選明詩

卷四二

倪謙

商輅

三

雲霧晦冥初降胎身簇丹砂蹄削玉月鏡夾瞳耳批竹
追風掣電氣如虹世人得此那敢畜當時皇祖御宸極
德化覆冒西南國海不揚波風不鳴重譯來朝靡虛日
豈無象犀與珠貝不貴異物貴良驥玉階控獻聖情怡
振鬣驕嘶如有意天閑自此識龍種駑駘一見覺神悚
孳生歲歲蕃且息廩樞充物如雲湧郊壇有事脩威儀
錦鞦寶絡先陸離和鸞前道恣容與凡馬不許爭驅馳

山水圖四首

浮雲積翠山稜層煙波浩渺滄江橫就中風景如武陵
又疑方壺與蓬瀛高人妙得丹青趣展素揮毫若神助
巖崖峭絕瀉飛流嵐岫溟濛鎖雲霧楓榆夾岸羊腸透

漁舟蕩漾忘昏曉人間何處有此境願一登臨散懷抱
蒼崖萬仞高插天銀河直與南溟連畫工繹思寫縑素
天涯地角來筆端晴巒曉嶂空翠濕水色湖光渺無極
依稀遠樹含紫煙隱隱平林帶秋色夢中忽向君山遊
君山一髮青如虬覺來披圖賦新句瀟湘雲夢清氣浮
天下幾人畫山水王維之畫世無比生綃一幅垂中堂
咫尺應須論萬里十日五日一山水雲水飛動山盤鬱
孤峰絕壑結茅茨漁舟出沒秋江夕問君何從得此圖
愛之不啻如拱璧還君圖今贈君作白雲回首暮山碧
誰寫江山妙莫比遠岫危峰向天起想當濡墨揮灑時
無限風光歸筆底若濃若淡山嶙峋欲斷不斷雲縱橫

御選明詩

卷四

商略

三

萬壑千巖勢幽絕羅浮姑射徒爲名青林遠近不知數
林下山房啓晴戶今君鵠立雲霄端疑是當年讀書處

龍

神龍神龍天下奇爪牙鱗甲光陸離潛藏顯見各有時
頃刻變化誰能知有時鼓鬣青冥端風雲慘黯白晝寒
有時揚鬣入海底奔濤翻浪摧羣山馮夷海若愁欲逸
鼉鼉膽落蛟螭泣固知靈異乃如此豈比尋常池中物
畫師巧奪造化工揮毫染素有神通須臾又出眞頭角
便覺煙霧飛空蒙耳底轟轟聞震霆簷外颯颯疑雨聲
古來張繇擅奇絕衆史紛紛奚足評嗟公好古尤好畫
得之不復論高價相看自足豁心目萬里滄溟在堂下

邇來盛夏旱爲雲安得致之昇碧落捲水作霖被八荒
收却神功入寥廓

虎

壯哉於菟豪且雄猛氣不與凡獸同吞牛伏豹爪牙利
空谷一嘯來天風黑爲文兮白爲質光彩斑斑炫晴日
妥尾橫行不畏人百獸滿山皆股慄渡河負子一何仁
銜符化石亦以神藜藿因之不敢採固知鷲悍無與倫
天生英物真奇特庸史如林貌不得此圖分明意態新
絕似南山真白額心閑氣定神揚揚眼如夾鏡雙瞳光
向非筆端巧如此此物安得來高堂卒然一見驚心目
勢若負嵎誰敢觸聽之不聞聲咆哮但覺端端徒躡躅
御選明詩

卷四二

商鞅

卞榮

一四

吁嗟此獸名山君狐兔屏跡難爲羣五雲深處陪蒼鱗
餘威自足清妖氛

卞榮

嘉興留別諸友

春波門外上春船春漲葡萄綠浸天共君細細酌蓬底
西望落日橫孤煙倚篷橫玉徹三弄飛花誰遣回風送
須臾月出光滿座盃光豔豔金波動美人相逢良不多
美景豈可成蹉跎爲歡未久又爲別空勞春夢落春波

贈許德容

少年赤手能縛虎踏遍東華軟紅土纏頭百萬輕買笑
挽弓兩石漫好武江南風月誰平分拂衣歸卧龍山雲

姑蘇臺下爲別墅招要三友詠五君金屏如花人去早
北里薰天跡如埽平章不必喚張侯來往風流成二老
錦雲軒爲何揮使賦

朝入錦雲軒暮作錦雲夢夢中滿袖撲紅香豔妝醉壓
闌干重酒杯如海和雲吸簫鼓聲喧令行急覺來但見
膽瓶梅冷風吹簾雪花濕

林良雙鴈圖爲王學士廷貴兄廷彥賦

林君善畫天下無海注墨汁傾金壺金門承詔屢揮灑
餘子碌碌非吾徒旣不畫丹鳳栖碧梧又不畫文鴛依
綠蒲特作槐堂雙鴈圖涼風颯颯吹黃蘆一鴈俯啄秋
江菰一鴈翹首如相呼乘軒恥隨衛懿鶴化烏懶逐王
御選明詩

卷四

下第

陳憲章

五

喬臯吾知林君有深意此圖將以比兄弟槐堂兄弟今
二難同德同心本同氣芳名豈但動一時勝事終當傳
百世丹青我已重林君手足誰能似王氏宣王有道美
鴻鴈周公多才賦棠棣顧予淺薄敢題詩三月紫荊花
底醉

陳憲章

題馬默齋壁

屋後青山屏翳合檐前綠樹烟花匝主人閉門履不納
跣趺明月光繞榻客來問我笑不荅但聞山鶯啼恰恰
橙橘盈園野芳雜門外一江深映閣四時八風誰管押
樹飛霧走龍騰甲拙者孤舟持酒榼成化十年甲午臘

贈陳冕

南有滄溟水北有崑崙山我屋正在溪山間瞻望不遠
行實難白雲朝暮常漫漫桃花欲開梅又殘問君此去
何時還

過端溪硯坑

峽雲鎖斷端溪水白鶴羣飛峽山紫獨憐深山老鷓鴣
萬古西風吹不起安得猛士提千鈞亂石溪邊夜搥碎
與黃叔仁乃父題東溪卷

昔余大父渭川府君居此溪上與黃氏故鄰也去
之六十餘年矣閱此卷有感而作

春煙漠漠溪溶溶烏鳴終朝低竹叢桃花亂落溪水紅
御逸明詩

卷上 陳憲章

十六

白首一人扶一筇醉中忘却溪西東誰載啞啞進酒蓬
朝歌夕舞煩兒童吾廬若在茲溪上如此風光不讓公
對菊

淵明無錢不沽酒九日菊花空在手我今酒熟花正開
可惜重陽不再來今日花開顏色好昨日花開色枯槁
去年對酒人面紅今年對酒鬢成翁人生百年會有終
好客莫放樽罍空貧賤或可驕王公何乃束縛塵埃中
簪裾何者同牢籠

聽李深之說綠護屏聖池歌

天風吹斷雲冥冥陰崖露滴池水清牧童投竿蛟龍怒
空山白日雷霆驚好事何人解尋覓李生爲我言歷歷

安得健步上崢嶸萬里直見滄波橫更憑猛手碎嗟峨
一徑密遶青松多池旁是我安樂窩近者青松遠滄波
紅塵溷溷如吾何

周鼎

勸農

二月二日天作雨縣官府官齊出城白頭父老花間迎
亦有牧兒先馬行牛亦不避馬不驚鋸者自鋸耕者耕
東邨西邨鼓笛聲願得守令枉柴荆田家年來解留客
新婦炊秔姑磨麥

郭登

自公安至雲南辰沅道中謁山王祠

御選明詩

卷四

陳憲章

周鼎

郭登

一七

山王廟在山深處鴉烏亂啼烏柏樹神威猙獰怖殺人
朱吻長牙眉倒豎紅綃抹頭袍袖結手揆黃蛇啗其舌
短碑不題神姓名蕪詞漫書唐歲月陰風颯颯吹靈旗
夜聞甲馬空中嘶老巫開門馬無跡但見狐鳴鬼嘯鴉
鷗啼山前居民種禾黍歲歲求晴復求雨神靈不靈誰
得知老巫分明作神語往來行人多再拜爐中無香畏
神怪唱歌打鼓燒紙錢蒼鵝白羊朝暮賽還把殘餘拋
野草神意歡欣烏亦飽老巫叮嚀客無慮萬水千山放
心去

柯潛

山水圖為兵部郎中王恕題

玉堂清暑春風前焚香看畫皆神仙畫中風物得真意
峰巒隱約披雲煙大山如龍欲飛去小山盤盤如虎踞
奔流一道破山來散作濤聲滿江樹遠邨微茫三兩家
古渡無人橫斷槎近邨茅屋蔭榆柳門前沃土饒桑麻
別有高亭向洲渚斜日滿簾水禽語滄波浩浩欲吞天
蜃氣昏昏欲成雨初疑匡廬山下落星灣又似洞庭湖
上之君山瓊宮貝闕倚霄漢無乃蓬萊方丈非人間我
生慣識山中樂隨意雲樓與山閣故鄉一別今十年石
洞梅花幾開落臨圖忽憶舊遊蹤便欲沿溪上丘壑此
身留滯未應歸回首江天雲漠漠

仙溪龍華寺

御選明詩

卷四一

柯潛

童軒

十一

寶幢山下煙霞古老樹如龍欲飛舞花氣薰成五色雲
泉聲散作千林雨我愛溪山事事幽錦袍醉踏東風遊
題詩淨埽巖頭石把酒還登竹外樓空門自與人間別
夜榻焚香卧清絕明朝長嘯拂衣歸閒却溪風與山月
童軒

捕魚圖

東風昨夜吹湖曲一川新水參差活漁郎舉網唱新詞
掉破鄰鄰鏡光綠妻孥及鬢具朝餉江蘼紫笋豚魚新
鄰舟自小共鄉陌來往相看那更嗔輕鴻點點穿雲杪
綠楊細雨寒生早數聲柔櫓下中流煙水茫茫遠山小

山水圖爲沙士清題

青山一片知何處雲際依稀辨汀樹春來泉壑盡爭妍
翠雨溟濛飛薜荔山下茅茨凡幾家小橋流水竹林斜
陰陰蘿逕留啼鳥寂寂柴門掩落花故人家住錢塘曲
彷彿當年舊書屋望海樓頭夕照明富春郭外平蕪綠
西湖高柳拂晴煙載酒時乘賀監船鷺嶺朝涵霞氣潤
鷗波夜逗月華圓竭來旅食秦淮邸回首湖山渺何許
詩興常尋仙姥雲夢魂幾聽胥江兩南宮先生筆有神
畫圖重見李將軍晴窗暇日一披玩萬壑千崖盡在門

題山水圖次宋尚寶韻

蘼蕪吐碧連洲渚無數眠鷗不飛起青山重疊畫屏開
知是朝來洗輕雨新縛茆齋傍水鄉濯纓幾度和滄浪
相過况有知音在絕勝成都舊草堂

御選明詩

卷四二

童軒

王越

一九

王越

題蠲上人畫

好山萬仞高插空羣峰並列青芙蓉大者突兀如盤龍
小者箕踞如蹲熊峰頭短樹亂如草凌霄獨立蒼蒼松
一重流水一重竹竹邊盡是山僧屋上方下界知幾重
銀杏紅椒滿空谷山中屋貯山中雲山中雲卧山中人
山中之人出山去畫裏看山秋復春

走筆送謝大叅

捲地風寒聲冽冽夜深吹落關山雪夫君何事遠相過
一片冰花凍髯結便呼斗酒澆離腸談笑吞湖海熱

三十年來契闊情無端又作匆匆別屈指長安多故人
見君應問天涯客爲言兩鬢已婆娑獨有此心猶似鐵
吁嗟我老不足憐塞上征夫淚成血

張寧

士女圖

吳城士女越樣妝籠冠盤髻銷金裳東風淡蕩桃李月
看花不語情何長女伴相將牽穉子庭院無人花正芳
陽春宛宛白日暮空抱花枝歸洞房

劉溥

題畫

荻花吹雪江風冷江上微雲淡山影誰將水墨染生絹

御選明詩

卷四二

張寧

劉溥

二

一片江南晚秋景人家住近紅葉村紅葉照水如春源
問津有客遠相訪童子候迎先掃門隔岸分明皆橘樹
看來應是橫塘路水禽格格踏波飛沙雁悠悠入雲去
我別江南今十年客窗見畫心茫然明年準擬買歸櫂
漫遊重賦江南篇

題崑山沈愚通理詩集

吳城東頭八十里玉山青插婁江水何人秀發山水間
沈生文章妙無比清如玉樹含秋霜麗如五色雲錦張
琅然天外度靈響一曲一奏春風香春風吹入長安陌
紫陌煙花爛晴色隋珠趙璧常自珍樂府詞林盡相惜
生今年才二十餘聲名欲與前輩俱方今四海被皇化

好協雅頌歌唐虞

題畫龍

古來畫龍稱葉公後來又說陳所翁嗚呼二人不可見
神妙誰復追其蹤此圖知是何人作一見令人即驚愕
勢翻滄海起風雷身湧長空奮頭角雙睛潑電鱗鬣分
左盤右蹴挈飛雲軒然天地動光彩此時不顧魚鰕羣
滿堂慘澹凝煙霧相對咨嗟毛髮豎田疇歲早望甘霖
破壁須看上天去

題畫虎

千山萬山日向晡啞啞老樹愁啼烏長塗迢遞人絕跡
奮躍只有黃於菟長風颺颺震林木百獸紛披望風伏
御選明詩 卷甲 劉溥 王
霜牙凜凜摧萬夫金鏡瞳瞳射雙目飢來擇肉惟熊羆
不更小取豺與狸田家黃犢要耕種又肯搏攫誇能爲
如今天關求守備蓋世雄威素稱異舉首爲城掉尾旌
願保皇家千萬世

江鄉漁樂圖

桃花雨歇春潮漲江中鯉魚隨水上香蒲葉短白鷺飛
漁父乘船自來往船頭巨罾三尺餘轆轤引綆如引車
浪花觸船魚亂躍兒女相顧爭歡呼江頭賣魚朝買穀
晚來還向江頭宿老翁不愁兒不啼新婦船中炊欲熟
金文鼎秋林醉歸圖爲沙溪陳原錫賦

霜華灑紅樹頭葉白雲掩映山重疊黃犍馱醉出西莊

童僕扶持穩如楫此時陶然那復知世塗奚較險與夷
眼中萬物一何有只有松風吹接羅疎林斜光漏殘照
酩顏霞影爭輝耀深山闐靜不逢人豈有襄陽小兒笑
柴門向晚猶未關山妻煮茶方候還人能出飲醉即返
千里龍媒應是閒

繭菴為長洲沈孟淵賦

兜羅膩疊香雪温影逼混沌春無痕龍精出火玉抽縷
剡楮黏番羞薄昏纖華茸茸白雲老雙輪斂輟晴留曉
劈開元氣納崑崙身外乾坤一漚小水晶簾幕相間垂
鮫綃掩映光參差落花成團捲蝴蝶蹴破東風閒不知
東風吹塵塵默默紫麟駝醉華胥國海棠含綠又千年
御選明詩 卷四 劉焯

走馬西陵報消息

送盛佾赴吳江醫學

闕下新涼生潞河江南猶唱採菱歌菱歌嫋嫋唱不斷
畫舫載風衝白波香蘭葉勁那堪結美人不是輕離別
一階領得故鄉官堂上雙親正垂雪玉壺滿注香露清
欲別未別難為情梧桐楊柳秋未老積水半涸天河橫
吳江一望五千里鴻雁亦逐孤雲征長橋鯉魚黃金色
太湖影動羅衫碧好將尺素待東風杏花春雨傳消息

白雲軒

山中多白雲天上多清風清風解炎熱白雲自西東江
頭坐看雲起處一片從龍上天去化為甘雨潤枯苗不

作繁陰宿高樹清風冷冷吹我衣還送白雲天上飛天
香不斷瑤草碧何處玉笙騎鶴歸

賦得瓊花觀送人

瓊花觀在江都雲窗月館仙人居無雙亭前一方地昔
日瓊花今已無玉女香車游碧落回首人間塵漠漠重
闌空護八仙花飛珮誰乘九臯鶴古城楊柳接東橋十
里紅樓路不遙行舟過此一停泊碧樹陰中聽紫簫

湯肩勳

聽秋軒

老桂無香露華溼涼月半庭草蟲泣白茄灰冷黑狻猊
坐擁孤衾百憂集西鄰小娃夜春黍落葉喧階隔人語
何處一聲金剪刀萬玉琅琅敲急雨笑擲殘書起推戶
簷骨簾旌遲鶴步明河豔豔斗杓橫興來錯誦歐陽賦

竹泉翁席上贈歌者楊氏

秋風茉莉吹香雨簾外燕嬌肆輕嫵醉眼朦朧酒盞空
睡著司空相公府席前一點櫻桃破雲揭楚天飛鳥墮
鴛鴦小袖捋紅綃二十五絃重抹過三寸麻霞黃鵠齧
錦地氍毹蹴春水回身偷眼顧周郎舞困落花扶不起
雙檠墮淚爐薰熄對景無言恨如織翠靨光浮琥珀痕
鮫綃冷沁珍珠迹兩剪晴波拂曉山白衣孤客感鄉關
何幸梨園舊宮使偷傳樂譜向人間

水月舫爲奚川錢竹深賦

御選明詩

卷四十一

劉溥

湯肩勳

三

太一真人蓮一瓣飄飄萬里來天漢移入江南錦繡窠
蘭橈桂槳空凌亂長鯨對舞碧紗窗缺兔潛窺紫絲幔
黍盃浮香春可斲蒲帆颺彩風堪喚老興閒攄曲數謳
幽情緩發琴三歎古蹟多因潮洗平遠山忽被雲遮斷
曩時螃蟹落錢昆今日鱸魚到張翰莫令惠子識逍遙
且拉盧生遊汗漫冰壺影裏塞鴻飛海鏡光中沙鳥散
好天良夜屬君多大壑深溪留我伴乾坤正乏濟人材
忍教獨繫黃蘆岸

竹深處爲奚川錢理平作

瑤空露滴秋光冷冰壺倒浸琅玕影玉簫聲裏鳳凰飛
一色綠雲三萬頃主人高思油然發六尺桃笙湖水滑
御選明詩卷四十一 湯肅勳
左琴右史恣徜徉大俎深盃從曠達幽元占斷乾坤與
明月清風滿懷抱嗟吾老癖近來增可許肩輿時直造

義婦行有引

吳越王有大功於東南而子孫食其報者復異乎
人世傳忠孝雖婦女亦可嘉焉顧處士女妙真繼
其十七世孫時用室遭張氏亂棄其所生而全前
妻之子其孫理容理平出事跡觀焉爲古體一章

以厲世云

顧家一女膚如玉炯炯靈臺抱貞淑擇配奚川武肅孫
井臼親操謝膏沐不必荆釵并布襖雍雍自是閨中寶
撫卑事上盡歡心內外皆稱新婦好歡樂未央災禍來

間閣滿眼飛塵埃長鯨大豕互吞食雌鳳雄鳳難徘徊
強將性命依巖壑柏葉松肪共咀嚼草衣木履度晨昏
乃畏強梁橫侵掠丈夫前室有佳兒哇哇相逐遠奔馳
足趼腹枵行不得鋒橫矢亂計寧施妾身有子年尤小
恩義欲兼嗟力少殘生苟幸得完全孤誠自有神明表
拊膺長慟望天呼回頭已作溝中枯男子雖羞鄧伯道
婦女何慙魯義姑皇明九五真龍出一掃寰區羣蚤蝨
歸來室宇尚依然四方重覩昇平日屹然婦織與夫耕
眼看家道日康寧蒼蒼主者豈無謂兩男一女連絲生
五十年來三百指螽斯奪盡前人美珍珠簾捲畫堂深
鶴髮披肩全壽祉節孝賢能世豈無蒼黃誰得展良圖
御選明詩

卷四十一

湯胤勳

蔣主孝

王淮

三

傷哉此道日凋喪事跡何由付董狐

蔣主孝

酈生長揖圖

拔劍斬蛟神媪哭蓋世英雄逐秦鹿君本高陽一酒徒
乃敢庭前噴濯足五年帝業本天命待君濯足何爲辱
溺冠不罵老書生猶有攻齊半分策君不見子陽罄折
竟如何回首江山空碌碌

王淮

錢舜舉畫花石子母雞圖

落紅香散東風軟靈巖絡翠苔紋淺閑庭晝永日當空
花影團團移未轉兩雞不識春意佳棲遲也傍庭前花

父雞昂然氣雄壯獨立峯顛發高唱母雞啾啾領七雛
且行且逐鳴相呼兩雛依依挾母腋母力已勞兒自得
兩雛啾啾趨母前有如嬌兒聽母言兩雛啾啾隨母後
呼之不前不停口一雛引首接母蟲兒腹已飽母腹空
嗟爾愛雛乃如此不知爾雛何報爾錢翁摹此悅生意
我獨觀之暗流涕劬勞難報慈母恩漂泊江湖復何濟
展圖三歎重摩挲雞乎雞乎奈爾何

王貞慶

春日偕蘇一平蔣五忠沈一愚遊劉公祠

都城二月春熙熙尋芳每共幽人期長干白下總名勝
載酒攜琴隨所之今晨乘興出西郭花底停驂遊古祠

御選明詩

卷四二

王淮

王貞慶

三

祠宮岌堯白雲裏丹青臺殿張罟罟落梅紛紛墮香雪
垂楊冉冉搖金絲憑高縱目倚闌檻乾坤清氣凝詩脾
從遊賓客盡文彥豪吟謔浪忘吾誰東海蘇公最英俊
掀髯一笑摘雄詞天孫機杼織雲錦五色絢爛含朝曦
淮南蔣生尤敏捷吐語字字皆新奇長鯨怒吸海波竭
崢嶸露出珊瑚枝玉山沈郎更瀟灑芙蓉秋水涵清姿
摩挲石壁寫新句毫端墨汁光淋漓呼兒洗盞罄餘興
醉來不覺烏巾敲飛光百歲猶瞬息人生行樂須及時
樹林陰翳鳥聲雜斜暉又駐西山陲馬蹄歸去踏芳草
風流不減高陽池

送沈崆峒歸玉峰

客從東吳來暫向京華住看遍京華春更憶東吳去秦
淮橋頭煙柳青執手臨岐別恨生扁舟後夜知何處月
色江聲無限情

鄒亮

水仙花效李長吉

馮夷鏤冰駐花魄奇芬淥肌沁仙骨天風吹夢落瑤臺
家住江南水雲窟弄珠拾草瀟湘渚帶月迷煙愁不語
小龍潛開水晶殿玉杯涼露承華宴青鳥銜書來閨苑
笑指蓬萊水清淺

又效溫飛卿

宓妃肌膚瑩冰雪體素含香夔清絕驪官夜寒愁不眠

御選明詩

卷四二 鄒亮

三

微步滄洲拾明月月光如練波茫茫仙魂不歸愁斷腸
湘娥含顰老龍泣鮫人灑泪銅盤濕瑟瑟江風吹夢醒
翠袖籠寒鞮羅冷白露無聲滿瑤草煙水迢迢鏡光曉

梧桐仕女圖爲錢孟實題

蘭膏膩滑金釵溜繡帶斜分暉香袖鎖窗睡起思嬌慵
練裙六幅湘波皺月轉虛欄風滿林碧雲迢遞銀河深
香塵不到鞮羅冷下階踏碎梧桐陰梧桐老去孫枝長
枝上鳳凰栖兩兩憑誰巧斲琴瑟成諧奏官商協幽響
蕭郎不歸春意闌夢繞梨雲花作團銀塘露冷芙蓉老
錦鴛怨入秋風寒楚雲湘水鱗鴻杳兩點春山愁不埽
低徊顧影悄無言明朝只恐朱顏老

徐庸

題劉阮天台圖

白雲蒼靄迷行路水複山重不知處行過澗谷有人家
忽見東風萬桃樹芳香豔態娛青春花間得遇娉婷人
五銖衣薄捲煙霧笑語便覺情相親神仙雖遇終離別
千古佳名自傳說天台山水至今存桃源望斷空明月
孫寧

題半塘寺潤公房顧叔明所畫松壁

顧君叔明善寫松妙趣直與韋偃同片縑幅紙不易得
人爭一睹青雙瞳玉巖上人即燦可早躋十地成全功
禪房素壁耀霜雪繪畫未許來庸工叔明對此役意匠
捉筆跳叫聲摩空須臾貌作老蛟影毫端瞥若回腥風
隔座時疑翠濤響鈞簾日訝元雲封宿鶴已去落花盡
庭前細雨春濛濛老夫尋幽適相過覽之便覺心神融
酒酣信手爲長句醒愧浣花溪上翁

御選用詩

卷上

徐庸

孫寧

三

御選明詩卷第四十一

御選明詩卷第四十二目錄

七言古詩七

秦夔三首

沈鍾一首

陸鈇二首

李東陽二十四首

姚綬一首

吳與弼一首

錙師邵一首

姚翼一首

陳昌一首

御選明詩

卷四三
目錄

王仲輝一首

朱瀚一首

張淵一首

錙泰二首

吳敏一首

涂俊一首

王佐一首

程敏政六首

莊昶一首

章懋二首

張弼四首

林瀚一首

李傑一首

樊阜一首

吳寬十一首

楊一清五首

御選明詩

卷四三 目錄

二

御選明詩卷第四十二

七言古詩七

秦夔

送人還松江

金陵城中花滿煙金陵陌上酒如泉送君臨岐一握手
欲別未別心茫然疋馬遥遥向東去黃金作鞭光照路
長安雖好不如家翹首吳門隔煙霧君家遠在雲水鄉
正近吳王舊獵場海錯登盤玉脂滑鮮蓴出水銀絲長
荒庭鶴去空塵跡三高祠前秋月白惜君未得從君行
斜日無言正愁寂

登觀瀑亭

御選明詩

卷四十二

秦夔

一

麻姑之泉天下名有泉不可無此亭奔流直下蒼崖裏
千丈玉龍飛不起鏗金碎玉聲潺潺恍惚置我匡廬間
銀河句好續不得日暮悠然騎馬還

贈虞永錫赴金庭塾館

西溪先生頭半白十年常作金庭客慣說金庭山水清
嗟余俗眼何由識新春示我山水圖金庭乃在東南煙
浪之具區洞天福地仙所都靈芝瑞草無時無危峰倒
插青天孤下涉險阻連重湖秋風颯颯吹黃蘆白波漫
天鴈鶩呼沙頭二老翁衣冠一何偉烏紗籠頭髮垂耳
笑看雲山弄雲水就中一叟豪且雄恐是近世天全翁
領客常遊湖水東脫屣富貴尋崆峒英賢遺跡轉眼空

好事寫入茲圖中不然胡爲避世士被服却有今人風
余生亦愛金庭好對畫題詩心懍懍會約先生作勝遊
他日風流成四老

沈鍾

次石田先生用東坡清虛堂韻自述

休官寄鄂棲金沙食非庾廩門非衙深山甘尋麋鹿友
秋江耐種芙蓉花桑榆低懸暮景樵漁密結比鄰家
倚牀浪繙書剔蠹遶樹錯信兒打鴉每聞風颺詫仙籟
或指雪片疑瓊葩哦詩濫收瓦與礫款客薄藉瓜仍茶
野渡橫舟擿一繫巖城警鼓驚三搗桃源九谿路曾入
匡廬五老頭堪爬乾坤旅舍祇如幻歲月駒隙良足嗟
御選明詩

卷四三

沈鍾

陸鈞

二

生平知己劍猶在直氣尚復冲飛霞

陸鈞

齋居閱東坡定惠院詩次韻遣興

前歲青綾卧玉堂今年樺燭春坊夜美景良朋往事中
清香宴寢疎簾下天空月白久不寐雪重枝高坐聞瀉
門外材官護衛嚴城頭烏尾依栖亞新春人事嬾不出
齋閣詩情誰復借歸扇玉帛未足誇撫景豐襍端可謝
天王垂誠在竹宮齊民望駕窺茅舍促辦誰催入夜釐
大烹已壓官槽蔗出陪正怯病軀免宣勸還思巨觥怕
貪榮戀寵不知極官謗紛紛得無罵

題畫

萬里青天起崖石韓愈城南之寸碧孤雲欲去且爲留
轉眼蛟龍忽狼籍崖中獨樹挽青銅崖下流泉擲飛帛
峰巒屈折隱高賢花木蕭疎隔飛翮合浦洲前落日明
東風吹散笛中情芙蓉半老臙脂苑楊柳輕籠翡翠城
輕舟細馬平生願畫裏題詩眼更清

李東陽

題程亞卿所藏劉進畫魚

劉生亦是丹青豪近來作畫無此曹平明退直呼濁醪
半酣脫却官錦袍戲將秃筆作鱗介已覺四壁生風濤
風濤洶湧向何處岸闊江空起煙霧東風一夜吹水渾
翠鬣紅鬢不知數桃花柳絮時吐吞輕繫亂荇交續紛
御選明詩

卷四三

陸鐵

李東陽

三

圓光倒射日成凸滅影下沒天無痕羣嬉若共衆芳狎
遠逝忽與洪波奔千形萬化極幻化倉卒逢之安可論
就中巨者稱赤鯢卓犖頗似鯨與鯢仰窺河漢若咫尺
俯視江海如嬰盆巖巒變風雨作走天吳驅海若流雲
掣電同揮霍噴沫浮漚滿寥廓鋒鏑參差見齟齬劒戟
崢嶸露頭角直遣飛騰動鬼神寧誇震撼傾山嶽若非
溟渤即洞庭不然豈得通幽靈幽靈汗漫入恍惚始信
丹青有奇骨劉生劉生良已工誰其愛者司徒公華堂
錦軸粲盈丈髣髴坐我龍門中龍門高高幾許葉公畫
龍龍出走此物胡爲在庭宇知公自是人中龍會向人
間作霖雨玉如意金叵羅激高堂揚練波文王在沼民

共樂君子有酒吾當歌我生解詩不解畫潦倒不覺雙
顏酡吁嗟乎吾當奈爾丹青何

荷鷺圖為薛御史作

秋山次寥秋水闊一夜天風起蘋末萬籟凋餘錦樹空
繁花落盡紅衣脫鵝鵲鷓鴣俱無聲沙邊白鷺如有情
幽禽相呼落日暝尺鯉下避寒潭清寒潭直下幾千尺
落羽回波共蕭瑟獨立遙憐海嶼青低飛不礙江雲白
詩家畫格還相宜却憶江南初見時雍陶池上風雨集
摩詰田中煙火遲吾身頗似巢籠鳥十年塵土長安道
萬里滄浪一片秋安得閒身此中老

題朱儀中雨圖

御選明詩

卷四三

李東陽

四

菰叢蒼蒼集煙渚山頭濕雲半爲雨垂蘿繞屋茅覆牆
石燕林鳩似相語桃花落盡梅子黃南湖北泖俱茫茫
黃泥道路白頭浪知是江南煙水鄉長安溽暑秋過半
雨濕書牀盡糜爛三年詩逋坐盈案拂君畫圖爲君歎
閉門覓句無人催呼童卷送休徘徊君看白石最深處
紙背猶濕青莓苔

王世賞席上題林良鷹熊圖

坡陀連延出林麓孤鷹盤擎熊踞伏金眸耀日開蒼煙
健尾捎風起平陸由來異物乃同性意氣飛揚兩撐矗
山跑野掠紛路岐何事相逢輒相肉側睨翻疑批亢來
迅步直欲空壁逐乾坤蒼茫色慘淡落木蕭颼滿空谷

羣豺斂迹百鳥停萬里長空齊注目是誰畫者誠崛奇
筆勢似與渠爭速坐間賓客皆起避階下兒童駭將蹴
當筵看畫催索詩卷帙不待高閣束平生搏擊非我才
欲賦真愁成刻鵠微酣對此髮雙豎酒令詩籌復相督
頓令拙劣成粗豪一飲步兵三百斛

劉尚質南樓題王舜畊山水圖

溪聲潺湲雜林壑山勢蜿蜒去還却浮雲欲起未起時
半在溪頭與山脚入空高鳥飛欲盡背屋斜陽慘將落
更無剩地與閒人總有紅塵何處著南畝老人雙鬢斑
筆法頗似高房山少年豪宕老疎放往往醉墨留人間
平生畫癖兼山癖一見此圖三歎息愧我不如樓上人
御選明詩 卷五 李東陽

五

日日開窗看秋碧

題魯京尹所藏雙鷹圖

霜風撼撼空林響朔氣隨空入蕭爽兩鷹意氣殊絕羣
俯視平川如一掌玄雲著樹凝不飛野日照地寒無輝
攫身欲下不肯下似覺深山狐兔稀丹青落手翩欲活
講上驚看錦條脫江湖浩蕩煙水深萬里陽臺渺天末
時維八月炎暑空兩鷹角立如爭雄周旋九絃隘八極
此意豈在風塵中知公有才非搏擊我意亦欲辭樊籠
祇應共逐鷓鴣去去上丹山十二重

四禽圖四首

樛枝老樹幽巖裏山鷓雙飛掉長尾高鳴俯擫勢不停

似向春風矜爪觜山頭錦雞金作冠身披五采成斑斕
遠從紅日霽時見更向碧山深處看人言此物真奇特
同是山禽不同格休將綠水照毛衣祇恐桃花妒顏色
空山雨過枇杷樹黃顛纍纍不知數金衣公子正多情
驚墮金丸欲飛去海榴花殘紅子新沙上鳧鷖來往頻
每從水淺花深處遙見隔花臨水人山禽關水禽語
脉脉幽期似相許莫負天晴日暖時一春江上多風雨
碧林紅葉驚飛鳥江上秋風下來早鴈去鴻辭煙水空
蕪葭落盡芙蓉老原頭鵲鴿如有知應憐歲暮得同棲
枝間戴勝聲不住應憶春園初降時山林動物各有託
野雉分明出叢薄見說豐年少網羅低飛不及高飛樂

御選明詩

卷四

李東陽

六

江南山深冬日暖湖水無澌湖水滿幽林晚徑斷人行
落盡梅花春不管山茶花發爭芳菲翠翎蠟觜相光輝
煙生錦嶼寒猶戀雪滿銀塘夜未歸野林落羽紛凌亂
回首青霄各分散溪上鴛鴦猶有情春來冬去長爲伴

題夏仲昭墨竹橫卷蓋陳緝熙先生故物也

崑山夏老能筆畊開雲種玉看峭嶸千條萬葉入霄漢
世間草木空有名來持琅玕叫閭闔坐使燕石無光晶
北人貴竹如貴玉直以高價酬丹青衡開丈幅直踰咫
不見枝梢見根柢恍疑湘浦推篷行颯雨驚颺過雙耳
九疑山高望不極影落洞庭清徹底靈籟時來天樂風
釣竿不動珊瑚水珊瑚水冷魚龍藏此翁一去魂茫茫

江山有神故物在環珮無聲涼夜長東吳老子圖書散
南國諸生思未忘重向玉堂修竹譜須將偃竹記篔簹
夜過仲家淺閣

日維乙未月丙戌青天無雲月東出舟人喧逐夜濤發
翻沙轉石紛出沒是時水淺舟在地牖門崖嵬畫方閉
牖官醉睡夫走藏倉卒招呼百無計民船棄死爭赴牖
檣倒檣摧動交碎舟人號咷乞性命十里呼聲震天地
我時兀坐驚春撞攬衣而起心徬徨同行無人僕隸散
獨與船月相低昂攀崖陟磴不得上咫尺如在天一方
流行坎止信有數向來蔑視淮與江霜風欺人衣袂薄
呼童酌酒累數觴燈殘酒醒牖亦過北斗墮地天茫茫

御選明詩

卷四二

李東陽

七

徐州洪蘇墨亭書坡老石刻後

有序

郡守蘇軾山人張天驥詩僧道潛月中遊題名十
六字在徐州百步洪岸石石半入水水落輒隱隱
見沙沫間篙師漁人不能識而崖石險絕又非大
夫士所暇尋閱者故於世無傳焉成化壬辰余過
徐放舟洪下畏險岸行偶見此字嘗爲詩記之又
八年庚子予與洗馬羅君明仲校文南畿歸工部
主事尹廷用實理洪事邀坐蘇墨亭則此石已爲
君所伐致置之亭壁矣因與明仲各賦一詩遺尹
君留之亭中九月望日
我昔彭城初泊舟岸行百步觀洪流手披荒蘚看古石

上有坡翁舊時刻沙衝水齧四百年字畫半滅風神全
我行見此三歎息此物乃在風塵間冬曹尹君真好事
自埽巉巖鑿蒼翠山靈助喜河伯愁白日驪珠照平地
孤亭素壁高巖從登堂見字如見翁山人在前僧在後
尚憶扁舟遊月中崖端刻頌唐宗業水底沉碑杜預功
直將談笑爲故事似與百戰爭豪雄高才直節古今少
片石價比千金同由來一代不幾見况我異世懷高蹤
憑君一搨數千本徧使四海揚清風

子昂畫馬卷

翰林學士真天人平生書畫皆通神自言少小嗜毫素
寸紙遍作雲煙痕老來意態盡物理畫馬欲過曹將軍
御選明詩

卷四十一 李東陽

八

此圖似出西域種骨法權奇氣軒聳將身蹴地踞不前
矯首見人驚欲踊燕家死馬猶堪賣况此風神解飛動
在野須教一顧空登臺未覺千金重崔郎愛畫復好奇
向來得此信且疑爲渠指點是真蹟老我聰明非昔時
圖窮忽見銀鈎筆復訝驪珠海中出江南贗本今已多
入眼自須分甲乙世人得者惟見一至寶逢時故難匹
從此高堂展玩頻明窗淨几無長日

讀柳拱之負外嚴宗哲主事楊應寧舍人倡和
長句戲次韻一首

詩壇森嚴陞復楯白戰雄呼氣難忍西鄰有客興亦酣
睥睨重圍目雙眦居然地隔如秦越或者神交同白稭

故知官角本諧聲復恐方圓不相準向來蹇鈍費鞭策
已分駑駘謝駉牝灰餘萬念偶一生腐木經秋發孤菌
諸君才力各強健東飛俊鷗西飛隼擬隨磅礴共盤旋
弱羽真愁向空墮霜天閉門坐不出背擁寒爐曲成蚓
強呵凍墨吟小詩力困冰毫如荷盾枯腸夜渴吻亦乾
緘短瓶空誰爲引回首不如年少時滿堂坐客誇聰敏
韓公道德日已負后山精力空應盡逢場作戲亦偶然
不覺詩成爲韻窘文章同時不易得三傑古稱吳富尹
君今並是湖南英鄉邑吾猶限封畛閒官未免鉛槧累
戶外催逋時接軫長歌終曲誰使予歌罷獨吟還自哂

書蒙翁先生書畫卷後

御選明詩

卷四

李東陽

九

蒙翁書法天下豪坐驚風雨隨波濤有時意匠入幽眇
力與造化爭纖毫仰觀千年俯一世紛紛弄筆皆兒曹
書家論定價亦定須識我翁人品高戲將水墨灑縑素
如飫梁肉甘醢糟殘山剩水世莫睹流落數紙青蒲萄
一登翁門遂隔世齒頰未獲霑餘膏如遊神山見石髓
頃刻再往不復遭莆田鄭郎得寶藏明珠雜佩金錯刀
摩挲兩眼百過讀使我涕淚盈青袍三年留玩一朝去
久假似覺歸心勞泰山東頽日西墮欲往從之中鬱陶
詩成起立歲將暮空庭短髮空蕭騷

鷓鴣圖

鷓鴣啼處春江綠日暮淒風吹苦竹相呼相喚不停聲

萬恨千愁啼未足有時格磔還鈎輶此聲欲斷無時休
風低不渡三江水竹冷先驚八月秋我家舊在湘南住
猶記曾聞鷓鴣處不似雲安有杜鵑聲聲道不如歸去

墨梅一首

江邊老樹根如鐵枝上繁花亂成雪千葩萬蕊一時開
剛值江南好風月川迴谷轉山路微春來無處無芳菲
行遲似愛影在地坐久不知香滿衣江南此景看不足
江北見之如見玉丹青紙上漫成塵桃李擔頭空過目
平生知己孟與林招之不來勞我心看花載酒不知處
灞雪瀟瀟湖水深

平湖十詠爲過郎中大僕作

錄六首

御選明詩

卷四二

李東陽

十

武湖春色

春來武湖綠春去武湖深清波帶碧草幽鳥啼芳林寧
獨知春來與春去長在武湖湖上住

三寺兩鐘

朝鐘晴昏鐘雨朝鐘滿空山昏鐘遥遥不知處山僧報
客客不來又逐溪風過溪去

六橋晴市

六橋東西南北水水橋爲邨水爲市昨日雨多今日晴
高樓翠幔紛縱橫揺湖船卧明月歸來夢作揚州客

東田社鼓

日之出東田東鼓填填走社翁割肥羊擊豕舞復歌

社神喜但願年年好風雨儂衣有桑食有黍長迎社神
擊社鼓

西浦漁罾

儂家住西浦兒童識罾罟高岸澗秋水深湖上魚蝦
賤如土待他時歸挂罾功成自買扁舟去

北原牧唱

北原草青牛正肥牧兒唱歌牛載歸兒家在原牛在坂
歌聲漸低人更遠山蒼茫水清淺

姚綬

折枝芙蓉

芙蓉花隔江水美人盈盈幾千里何年濯錦墮新紅水

御選明詩

卷單

李東陽

姚綬

吳與弼

二

面西風吹不起我欲搴之在木末方舟翻愁江水闊芙
蓉花似人面柳眉不在秋時見墨池爲爾閒寫生鴛鴦
鎖合長生殿重咨嗟芙蓉花擲筆浩歌行踏沙

吳與弼

聞笳

扁舟晴泊在渚沙葦苗滿目稀人家夜江漠漠星橫斜
東風吹鬢憐春華隔江維舫寂無譁數聲悲響空中笳
響徹碧霄哀更加悠悠綠水天一涯

錙師邵

五馬圖

渥洼水中產龍馬房星之精自天下星奔電掣勢莫當

豈比尋常駕轅者竹批峻耳鐵作蹄雄姿颯沓精權奇
日行三萬等歷塊未許八駿相追隨今觀此圖凡五匹
畫史經營各臻極就中一匹是真龍異質殊形人莫識
滄溟氣含雲霧涼蹴齧顧盼思騰驤神奇變化在頃刻
素壁高堂安可常

姚翼

春日與懷用和遊鴛鴦湖

鴛鴦湖上春波平鴛鴦飛入菰蒲鳴秀州女兒肌骨輕
蘭舟蕩漾微風生何人打鴨鴛鴦驚春雲遶郭花冥冥
夕陽落盡初月明誰家小閣聞調箏

陳昌

御選明詩

卷四

鐫師印

姚翼

陳昌

十一

題江湖勝覽圖

馬卿子清而癯狂非狂迂非迂不愛養浮丘伯之黃鶴
不愛釣任公子之巨魚年來只愛江湖居江湖風月足
清興筆牀茶竈尋常俱船頭紅拂唱巴曲船尾黃帽歌
吳歛歌吳歛唱巴曲妙舞清商間絲竹白日歡游殊未
足復擬黃昏秉銀燭風帆催送寒山鐘直向垂虹橋下
宿

王仲輝

題王舍人墨竹

我本山野人夙抱煙霞疾何處慣經行松篁與泉石晴
牕偶看琅玕圖淋漓醉墨傾金壺崇岡怪石相高下冷

兩疎煙半有無數竿晴渭川日暖春風輕數竿老嶮谷
千年霜雪飽數竿敲楚江歲晚寒風吹數竿側淇澳秋
深雨蕭瑟千竿萬竿難盡名林巒髣髴清風生交枝直
幹平安態勁節虛心君子情對此怡然樂清賞撫卷無
言發遐想煙雨濛濛語鷓鴣詩懷長在湘江上

朱翰

題畫

南遊匡廬山不知幾萬丈盤回直至香爐峰五老高高
儼相向初疑三山屹立東海中又疑青天削出金芙蓉
世人蹤跡不到處物色匪與人間同天梯石磴無窮極
一片寒凝古苔色千歲桃花別樣紅四時瑤草非常碧
御選明詩

卷四二

王仲輝

朱翰

張淵

三

就中有徑深復深白雲洞口猿哀吟一聲長嘯白日晚
神仙渺漠無由尋須臾下來心目爽便欲移家擬重上
東風回首塵茫茫明月滿天勞夢想

張淵

題林和靖秋深二帖與石田同用坡韻

乾坤悠悠書兩幅墨光深照西湖淥人間翻覆似浮雲
此紙完全如璧玉少陵瘦硬真入評右軍姿媚宜云俗
想當援筆對梅花誰用官奴寒把燭自然心畫得天妙
一字百金酬不足乃知形貌列仙癯石帶煙霞山少肉
巖巖氣象高百世奚假文章身後錄東坡去後古祠荒
月下不聞迎送曲遺跡君家豈偶然天遣清風激修竹

憑君開卷望孤山三灌薔薇咀秋菊

鐳泰

雪景畫

高堂怪底寒侵骨遠山近山銀突兀細挑松火靜中聽
蠶葉蟹沙聲彷彿水邊老屋伊誰家爨煙幾縷隨風斜
出門一白已無地蹇驢何處尋梅花

題戴文進西湖圖

錢塘西湖天下奇浮光萬頃澄琉璃仙宮佛刹湧金翠
簫鼓之聲聞四時六龍扶日消春霧畫船撐過茅家埠
吳姬雙唱過雲歌驚散鴛鴦與雁鷺水亭入夏薰風來
鏡裏荷花高下開蔗漿酪粉出水椀對花一飲三百杯
御選明詩

卷四三

鐳泰

吳敏

十四

梧桐葉脫屬秋至籃輿尋僧靈隱寺深洞老猿呼不應
和得賓王舊詩句玄冥剪水落九天孤山突若銀螺然
玉驄駝醉探春去紅椒已破疎籬邊戴進胸中有丘壑
揮灑新圖使人愕羊腸路口樹陰陰鴨嘴灘頭沙漠漠
和靖東坡不可逢白雲常護青芙蓉寄謝山靈莫相拒
早晚來聽煙際鐘

吳敏

洗河

洗河水落秋風早菱葉蕭疎菱角老河邊漁船如缺爪
白頭夫婦團圞好往來賣魚兼賣菱官府近無漁課徵
夕陽醉臥風吹罾

涂俊

新豐主人

客舍新豐往來熟主人相留上房宿門外人聲雜暮鴉
尊中酒色浮春竹鄰家女兒愛月明玉纖窓下理銀箏
一曲涼州腸欲斷行人猶在武威城

王佐

畫竹

瀟湘綠玉崑崙石移向高堂之素壁四座涼風帶雪吹
半窗疎雨和煙滴九疑夢斷瑤瑟寒貼雲影落雙飛鸞
霓旌掩冉欲歸去美人持贈青琅玕也曾拂拭蒼苔色
坐弄參差楚天碧曲終日暮山鬼啼自寫幽情寄相憶

御選明詩

卷四十一

涂俊

王佐

程敏政

一五

程敏政

題安城彭學士山水圖

何人結屋青山裏終日開窗見山喜近峰錯落走簷牙
遠岫蜿蜒插天背澄江一道山前過短樵平分浪痕破
船頭水氣綠侵衣載酒高人面山坐石泉下衝沙渚渾
桑榆接地成深邨柴扉欲扣不可到或有細路通雲根
竹鶴老人名畫手半幅生綃大於斗水分山斷意無窮
目送飛鴻渡江口安城先生塵慮脫南望鄉人楚天闊
高堂永日對山歌蕭蕭涼風起蘋末

暮雨夜泊

黑風摧山雨如注未到下邳無泊處暗中雜還人語聲

且逐淮南漕舟住淮南漕舟三百強粉字舵樓成堵牆
輪更轉箭鎮相續似覺人人嫌夜長滅燭悠然倚牀坐
遠村曙雞聞一個前途早有役夫來岸東相呼岸西和
題蔡揮使所藏林良雙鵲

老木長梢半空起影落君家素屏裏枝間雙鵲不飛去
似向高堂報君喜涼風曉入庭戶清主人坐對宛有情
眼前豈獨惜珍羽耳畔忽疑聞好聲亦有娟娟白頭鳥
相顧徘徊若相保廣東畫史深可人生態無窮意難了
主人堂堂真壯夫喜受文士相追呼征蠻不帶嶺南物
衣衾之外惟此圖堂下有兒堂上母客至矜圖飲醇酒
呀然一笑共平生崔白邊鸞竟何有鵲兮鵲兮不可求
御選明詩 卷四十三 程敏政
古箭渡

古箭渡頭春水急古箭舖下春泥溼風吹一道雨微收
黑壓四山雲未入郵亭飯罷聞竹雞肩輿扶過蒼崖西
行人道側亂相指兩陣復來雲脚齊
錢舜舉清暉堂所寫戲嬰圖為臨淮顧謙賦

海榴花開白日長繡屏十二雲錦張沈沈午漏下初刻
搔頭不整慵來妝一姬南面金縷裳兩姬夾侍相頡頏
頎然圍坐看兒戲斑管雕弧堆象牀三姬鼎足如雁行
玉階隨步鳴雙璫以口撫嬰愛入骨笑語彷彿聞昭陽
一姬下坐收錦襜洗兒自與澆蘭湯娟娟秀若化生子

銀盆水暖芙蓉香一姬轉盼殊未央拭巾在手明吳霜
小鬟兩兩意閒適紈扇不動薰風涼苔溪畫史推錢郎
柔思獨步丹青場摩挲舊本豈易得流傳遠自清暉堂
才人不說顧長康鑒賞欲博千金強螽斯麟趾尚可作
爲君擊節歌周王

題田家娶婦圖

徑草如煙柳如幕日上茅簷鼓聲作田家遣女不出村
東舍西鄰隔墟落新婦駕牛兒跨驢家人後擁翁前驅
兒家舉酒攔道勸舅甥幾世同桑榆耳邊阿嬭私屬父
肩上嬌嬰肯離祖歡聲一路到柴關野伶山歌柘枝舞
兩門彷彿朱與陳鄉儀簡古民風淳華筵肆設競珠翠
御選明詩

卷四

程敏政

莊昶

二十七

想見紛紛京洛塵婦媿男耕罷征戍安得移家箇中住
長因擊節頌年豐不作催租打門句

莊昶

蒼松爲許志完作

箕山老人松樹圖開卷凌亂千人呼畢宏已死更誰手
南京老盛天下無此松畫本得何處元是公家挂瓢樹
虬髯偃蹇老鐵蟠雷雨蒼龍未騰去嗚呼此樹百鍊鋼
數千萬變冰與霜忠臣義士我所拜山中萬古文天祥

章懋

賜粽

細葛香羅試新暑太平時節重端午五兵辟盡百邪消

不用釵符懸艾虎九重天上宴芳辰
菖蒲香泛宮壺春
青青菰葉包金黍玉盤滿貯頒羣臣
小臣何幸遭明主
承恩共醉薰風裏願題官帖獻新詩
納忠竊效歐陽子

賜扇

祝融南來司火令大地鬱蒸如坐甑
蓬萊宮中夏日長
南薰有歌思解愠尚方新造宮扇成
削玉裁雲形製精
內侍傳宣賜卿士一揮頓覺炎塵清
魯公詩句平生志
願與君王驅酷吏安得牧守皆循良
遠播仁風慰黎庶

張弼

花鳥圖

天台山裏劉郎來玄都觀裏劉郎去
人來人去花不知

御選明詩

卷四三

章懋

張弼

六

金衣鳥啼春滿樹綠窗孤眠如玉人
聞道春歸未識春
欲起推窗看花鳥還將羅扇障流塵

送僧還郢武

義師彈琴兼寫竹指端觸處清風足
廣陵明月十二樓
瓊裾仙袂同追遊瀟湘晴雲數千里
桂楫蘭舟弄煙水
梵餘定起白晝長冥心今古何茫茫
我賦新詩送君去
靈風忽偃窗前樹

梅居

鳳凰山下梅花屋俯仰乾坤盡香玉
逋仙寂寞三百年
塵土孤山昧人目清詩往往落人間
疎影暗香今始續
曲闌小几神與交宛見杖藜巾一幅
漫呼焦尾洗塵襟

獨把匏樽酌溪綠興酣不計春淺深陰風颼颼雪簌簌
萬頃玻璃舞鶴顛八窗雲母飛蛾撲蠶塵不到只仙家
何必洞天三十六

題畫

大山如龍欲飛去小山盤盤如虎踞近山晴露兩三峰
遠山微茫不知數劉君家住山之陬蒼藤古木涼陰稠
步月頻穿花裏徑看雲別起水邊樓隔林松吹含清響
古色莓苔和雨長案頭六籍時卷舒沙上羣鷗日來往
近來得志上天衢皇華四牡常馳驅道逢江陰何太守
爲寫江南山水圖朝回挂向碧窗曉滿幅煙嵐寒悄悄
坐中都似舊遊蹤只欠清音一啼鳥

御選明詩

卷四

張翊

林翰

李傑

九

林瀚

題王叔明夏日山居圖

黃鶴山人標格清胸中丘壑何縱橫興來捉筆一揮灑
蒼崖翠石煙雲生人家住在山之麓隱映門牆蔽林木
橫經讀罷鼓瑤琴薰風微動窗前竹司業先生最愛山
無緣長得青山看時張此圖向高壁彷彿揚子江天寬

李傑

題王孟端松泉圖次饒介之松濤韻

山椒怪石蹲如羝松崖巉巖不可梯蒼濤洶湧翻地軸
白日晦冥天爲低高枝棲鶻巢欲墮哀鳴何處求其雌
初疑龍蛇相格鬪鱗鬣無乃多傷夷又疑羣仙互來往

翠蕤羽節紛祁祁影作大陰連巨壑根盤絕澗滋寒漪
何人圖此心獨苦九龍山人揮灑之筆端生意妙莫測
真宰上訴天應悲驚風颯若坐間起毛骨凜凜難禁吹
林泉逸趣我所嗜相對不覺心神馳世間真假俱一夢
以夢非夢良亦癡卧遊何必謝公屐千峰遍閱消移時
畢韋一去藝中絕後代未聞工者誰山人能事寧止此
布衣上結明主知圖窮載誦醉漁作此翁胸次亦已奇
歌聲悲壯意超脫不似杜老憂時危豈期兩羨偶相合
有聲之畫無聲辭百年勝賞不易得俛仰忽復令人思
雪泥鴻爪宛然在風流雲往何由追後來視今今視昔
揮毫試和松濤詩

御選用詩

卷四二

李傑

樊阜

三

樊阜

題山水圖爲劉廷信都憲作

我家本在山中住讀書慣識山中趣偶落名塗塵眼昏
見山便欲還山去南陽先生官態無半醉示我雲山圖
持向簷前再三看青山突兀雲糝糊百尺飛泉落松頂
顛厓倒躡晴煙影神仙樓閣牽翠霞薇帳圍香晝長靜
人家三兩溪南邨桃李成行門對門石徑斑斑過新雨
花落點破莓苔痕鷗鷺飛迴映沙島夕陽網曬漁舟小
不是苔川與輞川仙都山下川原杳先生指我山之西
茅屋數間依竹低茶竈藤牀舊栖隱異人墨客多留題
看圖纔了眼初醒人間有此真佳景由來泉石絕纖塵

當與先生分管領先生大笑清風生岸幘佯狂雙鬢星
題詩卷圖謝鴻鵠浮雲散盡長空青

吳寬

送胡彥超

年過四十不作官還將短髮籠儒冠平生一經已爛熟
胡爲挾入橋門觀前年鄉書名始刊曲江又避春風寒
重來橋門住三載打頭矮屋聊盤桓朝壘暮鹽不滿盤
何須故人勸加餐日高對案笑捫腹自有五色之琅玕
側身西北望長安眼中一朵紅雲團天門欲往澀如棘
若比蜀道尤云難嗟哉出處誰得似頗似吳下吳生寬
吳生作詩忽盈紙送君還到春闈裏春闈多士多如蟻
御選明詩

卷四三

吳寬

三

勿將老少分憂喜君不見韓昌黎張童子同是陸公門
下士昌黎文章如皦日童子聲名逐流水人生傳世有
如此區區科第何難耳

謝孔昭臨黃大癡畫

大癡道人避世士移家舊隱虞山裏早年能畫老入神
落筆虞山宛相似深林依稀邨塢重水口近與昆湖通
高岡硯碗勢欲墮此老前身黃石公百年以後誰其亞
昔者吳門稱老謝案頭臨畫似臨書咄咄逼人真可詫
風流前輩香難攀詭語空傳謝疊山窗中遠岫依然在
天際春雲仍自還

孔昭善寫山
自稱謝疊山

雪中李世賢招觀東坡清虛堂詩真蹟

茫茫巨海流銀沙分民舍并官衙詩人說詩等說法
四坐繽紛天雨花寥寥小蒼絕人跡誰肯拄杖過吾家
曲中合沓失朱鷺谷口聯翩多白鴉青葱搖落上林苑
一夜亂綴瓊瑤葩故人相送定石炭惡客好飲惟江茶
清晨忽報有蘇墨折簡邀看門頻搥形疑蝦蟆似曾壓
技癢蟣蝨誰爲爬料知刻本來廣右醉筆漫滅猶堪嗟
坐當大雪發長笑新酒正熱浮紅霞

是日往觀果刻本蓋世賢招飲恐客不至故給
爾乃復次韻

出門騎馬踏雪沙玉堂吏散成空衙何人手剪吳江水
而我自眩梁園花客居長至歎寂寞賴有東鄰仙李家
御選明詩卷四三 吳寬
試開泥尊香潑蟻却笑石本光翻鴉清虛堂中事已往
妙墨零落隨風葩空腸啖盡元脩菜渴吻徹庭堅茶
詩成一紙來萬里峒石至今椎密搥濃書鍊把純綿裹
深刻鱗上潮泥爬似人可喜非浪語與客爭觀還共嗟
莫言此幅字漫滅夜久屋壁飛晴霞

明日世賢持啟南雪嶺圖索題復次韻

小徑升堂新築沙退朝無事還私衙誰移雪嶺入我屋
老眼白日疑昏花坐游未覺足力倦倏過野店仍山家
淺溪舟膠集凍鴨空谷屨響翔飢鴉狂風入林一攪動
零落玉蕊兼珠葩此時誰埽林下白急欲往煮僧房茶
忽然仰面見高寺扣戶還須持馬搥長安十年走薄宦

對此似將塵土爬西湖尋僧天欲雪蘇子故事今人嗟
清虛舊韻更可借捧硯獨無王子霞

偶見元李希籙提舉遺墨乞歸賓之蓋希籙其
先世也因賓之作海月菴記爲謝以此酬之

遺墨持歸走僮僕想見開緘重薰沐百年珠玉慨沉埋
袖拂蛛絲光奪目遂令短紙一尺餘價壓書巢三萬軸
乞鄰與人真自慚藝苑酬功百言足夜歸解帶不成眠
海月亭亭當矮屋琅然烏鵲忽驚飛月下新篇已堪讀
湖湘文種傳一家前有希籙後懷麓吳人再結文章緣
几上分明留此幅錦囊收貯莫教遲俗子無知將手觸
後世諸孫更好文還向吳人獲珠玉

御選明詩

卷三

吳寬

三

爲屠大理題石田畫

生綃文許畫者誰石田老人今畫師年來都下家家有
此幅吾知出親手筆意縱橫信所之夾岸脩然已疎柳
溪陰欲渡無舟楫萬杙成橋遠相接何處詩人跨瘦驥
破帽敝風黏落葉兩山對峙開高關豁衒梵宇容千間
半空丹腹勢突兀雪竇天台真等閒老人昔共遊虞山
此景彷彿曾躋攀昆湖蕩漾臨几席水繞漁莊凡幾灣
京華十年走塵土看畫分明能破顏山林在望烏飛倦
春到江南吾欲還

題許道寧秋山暮靄圖

遠山近山翠浪傾愛此萬疊秋初晴已多浮雲巖下宿

只有暮靄空中生草樹紛紛縱復橫風回落葉填澗坑
哀猿啼處日將暝谷口不見樵夫行重洲複渚望不極
漁舟獨出沙鷗驚三山二水昔人句彷彿當時登石城
何如攢蹙尋丈裏一目千里當前呈畫家意匠勞經營
墨氣濃淡皆有情平生見此真有幾不負長安許道寧
殘山豈合推馬遠寒林亦宜矜李成世間神品吾所遇
沈老舊藏高克明二圖作配實相稱品格豈待宣和評
嗚呼人言名畫真是名一笑頓覺千金輕

渡口驛遇風

黃沙障天天半昏砲頭風急萬馬奔何人去塞土囊口
天與河流一色渾曠野麥苗纔尺許只見風來不見雨

御選明詩

卷四三

吳寬

三

兩師風伯不相能彼蒼高高奈何汝

春溪聚禽圖

春溪遠發春山中一夜好雨溪流通綠波泛漲渺無際
但見桃花千樹紅鴛鴦鷓鴣何容與散亂中流錦爲羽
倉庚獨似避遊人去踏花枝落紅雨草深哺子芳洲晴
葉暗仍聞求友聲展圖便有會心處放權欲作春溪行
玄裳縞衣彼何者爲戀高松倚平野莫論鴻鵠志安知
名字俱標在埤雅

賦黃樓送李貞伯

維河有源星宿同導河積石思神功濁流汗漫失故道
積石却與澶淵通平郊脫轡萬馬逸一夜徑度徐州洪

徐州太守蘇長公夜呼禁卒登城墉一身未足捍大患
豈無木柵兼竹籠戲馬臺旁二十里有堤橫亘長如虹
高城不浸三版耳挽回魚鼈仍耆童防河錄成天有工
黃樓高起城之東五行有土可制水底用四壁塗青紅
太守登樓賓客從舉杯酌水臨長風河伯稽首受約束
不敢更與城爭雄水流滔滔向東去紆徐演漾殊從容
負薪投壁竟何用漢家浪築宣房宮自公去後五百載
水流有盡恩無窮我生慕公公不逢安得置我茲樓中
潁濱淮海獨何幸留得兩賦摩蒼穹鳳池舍人今李邕
南行別我何忽忽登高眺遠必能賦封題須附冥飛鴻

楊一清

御選明詩

卷四二 吳寬 楊一清

三

畫水

何人筆力真如杠解衣盤礴堂中央研丹吮墨試揮掃
坐驚雲水生微茫滄波奔騰動地吼靈派迤邐連天長
長風飄揺浪千疊咫尺應須萬里強如登崑崙望青海
蜃樓鮫室騰輝光洞庭冥冥不可測日月出沒蛟龍藏
黃河之水天上下吞吐四瀆傾太行江流浩渺自西極
直與中國爲巨防南人慣見且目眩北客倉卒心彷徨
平生樂水固天性徒以聲律相鋪張豈若丹青逼真貌
移將地軸歸毫芒畫工神思乃如此不獨李吳能頡頏
恨不前身爲博望仙槎無路通銀潢中流擊楫亦有意
氣吞雲夢非荒唐高歌臨風發清嘯仰天四顧增慨慷

題畫

秋江瑟瑟葭葦青數行朔雁歸寒汀黃葉飛殘樹如戟
天風萬里開虛明乾坤此景信奇絕遙山正對林間亭
掃石焚香白鶴舞臨流鼓瑟游魚聽中流有客初揚舠
長歌激烈凌高冥匏樽五夜載赤壁鐵笛一聲浮洞庭
幽尋奇問各有志不然肯向洪波經揮毫作圖圖者誰
王維孫子筆意清由來意足乃佳畫俗夫指點求真形
詩成欲借并州剪與子對面分滄溟許由秦地空馳逐
完璧且須歸趙卿

題沈石田山水贈高鐵溪貳守

嗚呼絕藝多天成吮毫妙泄天之精胸中倘有萬丘壑

御選明詩

卷三十一

楊一清

三

氣運潑潑隨風生古人縑素多漫滅零落數紙令人驚
按圖索駿竟何事如舍其骨求其形大江東南石田老
山川風味嘗應飽門前索畫如索逋墨汁朝朝爲人掃
大窮天地細蟲魚信手爲之翻大好此圖此景知何時
煙雲不礙山城曉坡陀縈複路逶迤一峰特立蒼冥表
山北山南青未了處處琪花雜瑤草山頭老榦屈鐵回
山下髯龍何夭矯山坳靚深堪結廬翠竹爲帷樹爲葆
青鞵布韉秋復春幾送餘霞落飛鳥松根老人行復休
醉歷崎嶇歌窈窕足音空谷已難聞相逢且試開懷抱
乾坤安得此區寰我欲從之心懍懍不是匡廬是武夷
細觀無乃天台道人言此格黃大癡意在筆前非藉藁

春蠶見物繭即成或有神功爲施巧世間真贋不可知
夜光魚目翻相嗤好事之流滿天下君看賞鑒者爲誰
鐵溪道人房山後平生毫素常在手近時朝士能丹青
永嘉三子黃姜柳君今並起稱四豪俗夫吐舌羣工走
公餘坐我池竹邊徧檢瑤笈翻牙籤判評好惡析幽眇
如以藻鑑分媿妍酒酣指點到石田把翫再三真可傳
果然名下無虛士贋物紛紛空賣錢感君意氣服君識
願比干將當留別此人此物不易遭在我在人誰失得
珠光合浦浮雲濤豐城劍氣凌碧霄君莫展向風雷朝
只恐精靈化神物騰空一去難爲招

呂紀雪圖

御選明詩

卷四三 楊一清

五

玄冥令嚴氣栗烈釀作江城三日雪朔風捲地天冥冥
四顧青山黯無色是時同雲凍不收咫尺川梁成阻修
灞陵豪客方閉戶剡曲幽人難放舟山禽在原半在隰
欲飛不飛毛羽濕渺渺平沙落鴈多蕭蕭古木羣鴉集
天寒日暮恒苦飢欲覓顆粒將安之長安貧者亦無數
遑用恤此禽蟲爲四明畫史清狂客決皆大呼聲裂帛
畫裏風情祇自知賦罷令人三歎息

畫鴈

江岸蘆花秋簌簌江頭旅鴈羣相逐啄者自啄宿者宿
昨夜南樓聞北風天長水闊雲濛濛何當舟一葉權入
蘆花叢

御選明詩卷第四十二

御選明詩

卷四十二

三八



